

Green Aruba Conference II ta cuminsa awe

Interes ta grandi y expectativanan ta halto



DESPUES di simannan di trabou duro y intenso dor di un team consistiendo di hendenan dedica, Green Aruba Conference II ta cuminsa awe. E interes pa atende e conferencia riba energia alternativo ta grandi. Energia alternativo y durabilidad ta loke mundo henter ta enfoca riba dje ya cu uzo di energia berde ta necesario pa por garantisa existencia di bida na mundo. E isla chikito Aruba no ta kedando atras y su dirigentenan ta haciendo nan maximo esfuerso pa converti e isla aki den un isla di energia sostenibel. Aña pasa a tene e prome Green Aruba Conference cu a resulta un exito grandi y e aña aki lo no ta otro. Sigur no si tene cuenta cu e lista di oradornan cu trayectoria impresionante. Di tur skina di mundo nan ta yegando Aruba pa comparti cu nos nan experticio, nan vision y nan experiencia. Aruba ta ansioso pa siña pasobra energia berde ta e ‘musica di futuro’.

Riba e prome dia di e conferencia Minister di Energia Mike de Meza ta habri e conferencia, sigui pa un discurso dor di Prome Minister Eman. Jan Willem Kelder, di e Hunta di Maneho di TNO (instituto pa estudionan cientifico) ta e siguiente orador.

Despues ta bin e sesion di “Green Energy for small island countries” na unda lo hiba palabra dr. Ulric Trotz, kende ta un consehero cientifico di “Caribbean Community Climate Change Center”. Minister Michelle Hooyboer-Winklaar ta cera e mainta prome cu lunch cu un discurso riba e tema aki.

Den oranan di merdia Kevin de Cuba kende ta un ECPA Initiative Manager Energy Sustainable Development Specialist na OAS Washington ta papia, sigui pa Duzan Doepel di Hoge School Rotterdam y O.J. Boekhoudt di WEB. Despues di e tres oradornan aki tin un discusion di panel. Sra. Tisa Henriquez y dr. Edward Cheung ta guia e discusionnan.

Pa tres or y mei di atardi Sr. Andris Piebalgs lo subi escenario pa duna su discurso cu tin un duracion di un mei ora. Sr. Piebalgs ta Comisario Europeo pa Desaroyo y un persona di gran interes pa Aruba.

Mas laat Sr. Piebalgs den presencia di entre otro gobierno di Aruba y otro invitado durante un ceremonia bunita ta haci apertura oficial di Cas di Europa. Un centro di informacion y hub entre Europa y Latino y Medio America pa empresanan cu kier haci negoshi cu otro. Den e mesun edificio TNO ta bay tin su oficina mescos tambe PPP. Manera ya a keda anuncia e edificio ta bay hiba number di dr.Edward Cheung. E delveto di e number tambe ta tuma luga diahuebs atardi. Un dia yen di actividadnan positivo pa Aruba.

WWW.KOOYMANBV.COM

DAILY OFFER
27 OCTOBER

GARDEN HOSE
50 ft x 5/8 inch · Durable
Sure-grip connector
Anti-kink sleeve
PVC outer jacket

24.99
AWG 34.99

REDISCOVER YOUR FAVORITE STORE
KOOYMAN
MEGASTORE

Offer only valid on October 27th 2011, or while supply last.

Always **x2 fun miles** that turn into Mega Miles

Open 7 days a week • Monday - Saturday 8am - 6pm NON STOP • Sunday 9am - 1pm
Av. E.J. (Watty) Vos 20 • P.O. Box 489 • T +297-582-4040 • F +297-582-2182